



松夢寮詩稿卷五



人日集南湖玉照堂觀梅用張功甫韻
花亦如公愛鬪新不拘官仕享天真暗香作陣清無
滓薄粉成團澹有神嫌殺和羹誇宰相恰宜剪餅伴
賓親賞心樂事偏雙絕受用今朝又七人

發願龍華字字工拈花一笑契宗風橫斜最好月鐙

照罔點何勞冰硯烘處土孤寒漫專美詩人供養未

為窮滿城無此光明藏莫放白鷗波酒空是日梁敬叔觀察攜

酒飲客故用功甫所製白鷗波酒事

松夢寮詩稿卷五

牀公牀母

杭俗以正月十六祀之祈小兒安眠

位業木公金母主持上牀下牀栩栩遽遽蝴蝶信信

宿宿鴛鴦

龔治社公社母癡讓阿翁阿姑月寒春帳梅影霜煖

秋衾絮蘆

西村十記刊成跋尾

謝卜堂文

家枚

仁和諸生工制藝從遊者多

得氣以去戴文節其尤著也嗜金石書畫如

性命館穀所入悉供收藏咸豐己未穀日偕

茶盦訪丈於余官巷新居出示石田翁冷泉

亭圖史西村汝其通劉邦彥並有題句余與

茶庵強記以歸各和一章庚申秋間丈旋道

山越歲冬城再陷嗣君子雋副貢之杰殉難

收藏不可問矣茲從西村集得游杭諸記其

第四記末云乘月歸直指堂啟南秉燭作圖

相與賦詩其上卽指此圖幸靈隱寺志全載

其詩卽附刊記後因用石田詩韻以誌其事

依然穀日藹晴暉廿四年來逸興微泉水不流吟草

去山靈先讓墨華飛那堪讀畫鷗俱杳莫怪樓堂燕

早稀重綴殘編留故事恍驚城郭令威歸

松夢寮詩稿卷五

二

鐵花吟社分詠西湖古蹟

排衙石

峭石拱而立玉筍班不差偉哉錢婆留大書走龍蛇

家山夢還我行在屯軍衙松風若呼導山頂聲牙牙

鐵幢浦

三千強弩強射樓壯疊雪白馬不敢奔三幢鎮帆嶼

鐵隨土升沈箭與沙凝結江水日夕流英靈一券鐵

柳洲二賢祠

仲氏端木氏聖門果達才遙遙三千年吾道其南來

祠前柳洲柳春風化雨栽顏樂而曾唯輝映南山隈

水樂洞

谷虛始能應水激方有聲妙語事疏剔金石聞鏗鐫
如何鼓鞞動耳塞襄陽城誰來洗餘垢洞口靜題名

八社

洞霄與紫陽遠近各有妙壺觴迭賓主煙霞分嘯傲
詩城界限嚴如邑志入到四時樂復樂臨風溯吟蹈

四月二十七日高白叔招集龐園戴文節赴義

分更處也分得首字

棟花風動來石首天氣清和莫孤負右史乘時折簡
招社集報恩坊巷口萬壽觀失談元流三笑軒空夷

松夢寮詩稿卷五

三

白叟故家喬木尙煙雲疏豁虛堂拓窗牖中有方塘
數畝寬石記康熙年某某龐衛蕩石界猶存鹿門而

後更鹿牀居士尙書同不朽此地兒時舊釣遊買鄰

遺事成偏否龐園早歸楊氏先君子誰知早定白雲

堆大節天成洵非偶漫將餘恨話滄桑莫放今朝盛

文酒白魚出水暖新荷紫燕迎風穿老柳况欣新雨

來踰躡明鏡團圞出素手謂江秋珊新入社秋照人

肝膽妙觀空何俟清波滌塵垢

同人分詠鐘馗故實得嫁妹

終南山色青透池中有女兒學畫眉阿兄進士好門

媚鬼卦吉卜歸妹歸時惟五月薰風吹聘錢十萬蚰
蝻飛艾香慘綠裁嫁衣石榴紅幫羅帶垂赤繩半繫
長命絲卻扇潔資蒲與葵江心之鏡月一規匳具多
刻吉利詞藍袍烏帽尺劍隨深雍鞞大施威儀鬼車
鬼馬風雲馳執手送別情依依乘龍佳婿知阿誰河
伯娶婦是耶非酒食是議家室宜鬼胎他日占熊羆
齒冷同谷杜十姨有妹有妹在鍾離

中秋與兄步月青雲街歸已三鼓九月之望月
色甚明開窗憑眺追思前游口占

松夢寮詩稿卷五

四

月一樣團圓兩樣情

江秋珊

順諭

招賞園桂登華鵠夕陽樓觀敬亭

放歌甕夢諸圖時秋珊正六十並示自壽新曲

時節秋分見壽星壽杯綠酒有餘馨聞君新製南飛
曲洗淨箏琶耳試聽

尺三汗腳滿鞞塵手板頭銜聽鼓身誰識胸中一明

鏡敬亭山頂看雲人

甕牖窺天蝨自捫卅年春夢夢無痕黃齋三百雄豪

甚拚醉牀頭老瓦盆

結屋間臨秀義坊東平古社傍清香他年輝映張員

外兩卷新詩一笑堂

西泠酬唱滿雲霞吟社新來壓鐵華如此秋光忍孤
負多君招酌木犀花

木犀花事解延秋金粟濃於酒氣浮醉裏不勝雲外
想從君直上最高樓

樓外西湖作硯池翠屏山案列參差雷峯寶石作雙
筆鼎峙生花管一枝

西窗明豈讓玻璃華
幽深幽不礙遲莫慨夕陽無限
句天心最屬晚晴時

九秋吟社集作

松夢寮詩稿卷五

五

奇峯斂盡勢油油
淡白輕陰一片秋
碧漢浮同蒼狗
幻金飈捲讓素蟾
留涼催絮帽
征人塞薄映羅衣
少婦樓誰賦落霞才似錦彩箋十幅唱還酬

雲

西來爽氣散炎浮
澄淨干巖萬壑秋
霜葉丹黃詩嫵
媚雲林楮墨畫清
道妝如貧女簪花
炫瘦稱癯僧曳
杖游何處小山招
我隱天香叢柱忒
夷猶

山

露白葭蒼入望悠
中央宛在不勝秋
滕王閣外涵天
色莊子篇中寓海
漚渺渺予懷心事
託娟娟人隔眼
波柔涉江試采芙
蓉萼驚起沙邊野
鷺鷗

水

瑟瑟瀟瀟響自稠
尋尋覓覓可憐秋
一蛩露咽梧桐

院萬馬潮喧葦荻洲恍聽故人言在耳轉憐童子睡
垂頭讀書我亦西窗下賦寫憂勞願學歐聲

不知觸發不知由一種心情萬種秋繫帛有書懷旅
雁倚屏無語待牽牛香蕤憶綠縈鄉里詩葉題紅出
御溝玉宇瓊樓問宮闕髯蘇忠愛更誰侔思

霜天向曉振荒陬蔡女胡姬色色秋吹動雄心悲虎
帳按虞凍指裏氈裘琵琶邊塞淒同調碓杵鄉關答
遠愁最是棘闌聞畫角一輪月向廣寒修節

鴛鴦飛後接鷓鴣燕燕呢喃正值秋倦繡恰當停彩
翦待歸將罷捲簾鉤主賓翠幕牽離緒子弟烏衣感

松夢寮詩稿卷五

六

舊傳相約明年春暖杏梁重與語綢繆燕

承蜩想見態痴癡遲暮光陰已及秋碧樹霜初雙鬢
改黃梅雨早一聲收綾借筐蟹稱公子冠並華貂惜
故侯莫歎殘枝留敗蛻勝他馬勃與牛溲蟬

叢叢草腐耀宵流其奈叢叢草又秋幾點殘星飛漢
殿二分明月墮揚州鐙親漸可囊慵照箱冷將捐扇
忍兜漫道微名如燭火懷珍自有夜光投螢

九月二十四日集固園看菊分得胡書農學士

邱氏草堂看菊韻

文錦坊西石榴巷中有花園稱丁家舊為越東丁前
都轉塔別墅

王望宣後費開兩節鉞主人一例歸空華長白公子感

喬木固華翁觀察旋沒粵東滄桑而後情偏加園林臺榭鞠爲

草疏泉剔石同搔爬誰知化鶴並丁令歸來城郭浮

雲遮牽蘿補屋繼公志天然秀野蠲豪奢峯環水抱

徑幽邃眞面可似廬山耶萬个凌雲挺晚節四時挹

露舒晨葩織花社長老好事還來就菊親桑麻重陽

雨過日初霽宜開口笑心磋瑕秋容爛漫麗蜀錦白

者似雪赤者霞疏枝盤屈益益潤密葉掩映闌干斜

借花選地得斯勝始信老眼力不差辭官已效彭澤

老結社定踵香山誇櫬槍熒熒湖水紫時有星變湖赤之虞時

松夢寮詩稿卷五

七

事且莫生咨嗟老人星足解疵厲南山悠然見匪遐

壽花毒客不期遇愷丈正七十秋翁正六十尊前各祝年無涯延

秋願著白衣送沽春何俟青旗賒醉餘摘取插頭滿

便勝紗帽榮簪花鎚銖算較彼何氏黃金到此皆泥

沙伶仃寒蝶最有意飛飛不向鄰官衙隔牆卽杭園紹分司署

丁儻許學抱甕除蟲剝蘚還護芽柴桑容作東道主

晉風時溯長者車東籬曲折晚香引客來無待雙扉

拋

春波里住梅道人五百歲後高風存吾鄉繼者吳季

春波里住梅道人五百歲後高風存吾鄉繼者吳季

子老屋舊質清波門門外湖山青且淥屋中梅花冬
接春詩題滿壁籍充棟花時往往羅芳尊蒼黃兵火
家山破屋材遭斧梅摧根跳身入宦類乞米草堂紙
上覓影塵吁嗟男兒無家或食廟七歌堂址悲同調
豪門甲第新連雲難免王承福來笑君今棠蔭滿江
城萬戶蒼生圖富教況饒書畫發古香足與仲圭相
照耀江南相贈一枝來仰屋同貞歲寒操

仲春筠軒丈招集湖上分集襖帖字

春時未云暮暫與山之遊山氣無躁妄水趣殊清幽
林亭風日朗映以竹修修虛懷感所遇萬事信有由

松夢寮詩稿卷五

八

快哉觴又詠盛會託羣流
觀察品既崇坐列況大年諸老亦齊契攬世咸樂天
蘭言係感喻娛豈在絲絃人文或同異事類隨化遷
欣然自引悟取斯述前賢

黃浦道中

黃浦江頭夜月明青龍橋外暮潮生廿年重撫疏疏
柳輸與涼蟬自在鳴

祝桐君先生孤山琴社圖爲安伯太守

慶年題

嗟峨歲寒巖老鶴天際控客來抱冬心高蹤希北宋
囊琴解風前一破煙嵐凍山孤德不孤知音萃賓從

彈指俯水流橫膝就石空泠泠太古春隱隱鈞天夢
望之皆神仙絃外雜吟諷相將期美人林下解清供
何圖變徵聲恍遇雍門痛螺徽罷拂拭雁柱斷磨龔
正慨古調稀誰識元音統百尺龍門枝家聲振雛鳳
舊德尚絲留良材詎爨用慎哉祖武繩陋彼俗塵闕
重尋雪爪泥再鼓梅花弄梅花返香魂感慨今昔共
同調惟餘君慰藉益珍重努力鳴盛時弦歌聽戶誦

和曲園先生題雙齒冢

兩齒如星落上台石函土護接蓬萊其牢食憶梁偕
孟題碣銘煩馬與枚仙骨三生餘宿慧佛牙一例證

松夢寮詩稿卷五

九

如來他年文塚同千古定有人呼左右臺

月樵文挈貞女至閩歸香山盛氏守節題其畫
冊甲申

泛柏舟載於詩此未嫁節尤奇山嶽嶽水漪漪父與
母泣別離心雖苦志獨夷婺女星千載輝

題孫順庵

家治 獨立圖

幽蘭芳自賞蒼松節忘年遁世獨無悶我與我周旋
瘦籐扶謝紅杖間苔踏破青鞋大滌中茗之勝乘興
獨往獨來

一生二二三三生萬返本還元寓性靈欲倩畫師翻此

案諸孫繞膝子趨庭

感懷書事

陸宜人自奉儉約不吝施與每散米帖輒手

記戶口歲以為常去臘力疾勉為告女恒曰

來歲恐未必為此姑付汝收藏或踵行之今

歲恒出遺箋既為散米因題此詩

風雪啼飢逼歲除敢言仁粟慰鄉閭沾沾細以斗升

計某某親將姓氏書自說明年知在否且教弱女好

藏諸今朝苦踐君遺意珠淚潺湲米不如

上已筠軒丈招集繼園看牡丹用天香二韻

松夢齋詩稿卷五

十

齟齬呻吟兩月淹放懷今日且狂顛故家剩有池臺

好園為許辛泉司馬所築今改安徽會館上已欣逢帚屐連一詠一觴

行樂客半開半勒養花天更看十丈鵝溪絹畫出相

如賦筆妍主人出仇十洲畫子虛賦鉅卷示客

韻事奚勞祓不祥自饒富貴占天光名花亦藉扶持

力末世何堪冷淡妝三曲清平誰續調千秋翰墨稱

流香相期婪尾開尊酒同祝春風九十強

和筠軒丈重游泮水詩韻

不愛逃禪不慕仙三元地應一陽天所居為三元坊今年科試適逢

長至節九重壽衍耆儒瑞六十年周博士員鄉飲雅

推前輩禮學優象卜後人賢仲平舉優貢朝考授學官美芹香接

寒梅馥春色先回莫待鞭

嶽嶽丰神正不歛商量舊學有餘思服膺絳帳春風

裏回首青鐙夜雨時九秩預開船耆頌八年再賦鹿

鳴期文登道光壬辰秋榜重賦鹿鳴僅八載矣鐵花會繼清尊集許我吟

壇侍養頤

臨安文獻百年存教育孤寒偏里門北斗高山仰尊

宿西江惠澤尙深痕回翔郎署心如水贊佐樞廷學

有原祁國門生餘幾在至今白首總懷恩前甲申督學使者乃

濱州杜文端公

松夢寮詩稿卷五

士

領襲爛衫一笑同映來泮壁綠蒙蒙瓣香載拜昌文

社經石重募德壽宮更上龍門高百尺依然鸞藻拓

三弓獻功早盼邊烽息葵藿心輪向日忠

晚汪叔明先生敦善

桃花落盡潭水傾撫時一痛汪先生先生七十老無

子青氈兀兀猶筆耕憶昔閩海遠避兵蕭然琴劍歸

來輕連居課我李氏甥李荔生妹婿與余同居先生課甥鵬飛凡五載宵談

不憚挑短檠少年同學公與卿李甥亦倖搏鵬程文

章憎命數不偶客歲尙客春申城滇中太守王小萬鐵丈里返歲寒無改松柏盟橫河適館意彌厚先生老矣

疾忽嬰我游吳下未兩旬薤歌遽聞傷老成後死之
責責友聲搜其著作封其塋我詩何足傳先生金鐘
自勒千秋名

杭郡庠鑄鐘先
生有名列焉

新正五日吟社六十集王小鐵丈莖招集小止

觀齋用陶詩遊斜川韻

丙戌

快雪忽焉霽開歲荷天休橫河好風景不減斜川遊
扶輪集大雅砥柱資中流負冰聽涉鯉逐暖眺戲鷗
何必川與嶽愛茲一壑邱五辰適以凝九老逾其傳
況有杖朝者頌褻此唱酬唱酬周甲子良會有是不
造化無盡藏後樂本先憂心期丁柴桑旣醉夫何求

松夢寮詩稿卷五

三

武林踏鐙詞

元正恰恰喜新春罕遇傳來百歲人東舍縛棚西翦
綵千紅萬紫一時新

治水今年紀幾龍鐙宵歌舞少年叢龍頭畢竟何人
奪應讓三元八秩翁

謂筠翁
社長

開花落地礮飛紅去歲元宵開甬東今歲元宵烽火
靖如鐙明月試鐙風

激灩春波浸碧霄粉圍香陣可憐宵踏鐙更比踏青
早萬鼓聲催柳翠橋

龍公玉戲興無涯張王松爐獸炭加密雪映鐙鐙映

雪爭看火樹鬪銀花

十六日大雪

家在輦官營裏居繁華舊夢憶何如
鐙前祇有兒時

味寶典新披玉燭書

孫鼎

題陸小石丈騎驢遺照

勞薪入塵網如牽陸地舟
凡事退一步此意卽千秋
塞翁得馬非福謫仙騎驢最宜若問世途安穩牛背
橫笛一枝
王郎拔劔歌斫地白傅吟詩號樂天行百里者半九十
十人生何苦著先鞭

晚出東新關用樊榭韻

松夢寮詩稿卷五

三

舟如玉龍掉不受點埃侵
岸柳催人別江梅助客吟
漲添新水柵日暝古城陰
破浪乘風志相期無限心
夕次石門

長安二十里官港未全迷
晴雪翻爲雨東風恨不西
市收鐙影闌防弛鼓聲低
誰慰杜陵願萬間廣廈樓
是夜聞雪壓倒屋

兩泊嘉興

雙塔精嚴涌咸通遠紀年
展寒尋舊榻燈晚迫回船
魚涉冰跳尾蠶遲桑尙拳嘉禾祝重穎開霽望欣然
舟泊楓涇散步杏花里

春潮帶急信先通小泊楓涇待短篷偶步江皋芳草
綠忽逢坊里杏花紅沾衣薄與關情雨簪帽當年得
意風試語阿宜珍記取莫忘瓜印一留鴻

題陸似珊

有壬

讀書秋樹根圖

才華入浴正翩翩世守楹書抱一編有味青鐙勤夜
午驚心黃葉感風前南湖負怡廊千步東粵何妨宦
廿年彈指華嚴塵劫換園林幸得畫圖傳
美政新詩著令譽初衣有願換華裾餘糧未肯謀飢
鶴清德無忘凜鮮魚柳蔭猶存陶令宅芸香重輯鄴
候書頭銜合號天隨子依舊秋聲樂隱居

松夢寮詩稿卷五

十四

魏三故人遺墨

魏滋伯丈遺詩八章張仲甫丈由吳門錄寄
其七又魏稼孫自閩錄寄其一皆備予搜輯

杭郡詩也經二十餘年從敝篋中檢出合裝

成軸因題四絕

滋老遺詩出燹餘兩家寄我手親書又添一段黃墟
感夢斷春山負郭居

羸得詞人張夕陽劫餘白髮慨滄桑篋中感舊詩雖

在落月空疑照屋梁

金石爬梳愜素心閩南宦隱任浮沈一詩祖德傳忠

義不獨清吟感竹林
墓門宿草各芊芊
我亦新霜上鬢顛
難得詩書擅三絕
莫教過眼作雲煙

題望雁圖

凌夫人悼伯兄杭生

德初

季弟東生

寶初

而

作越數載夫人亦逝敏齋棖觸舊圖追感前

影屬題孱墨以補虛縑

蘋老珠潭水花殘玉照堂
山曾破日淒響淚清霜
江自涵秋影音偏渺
夜臺可憐大雷岸望絕寄書來
依依小弱弟風采最飛騰
不解避矰弋魂空秋水澂

松夢寮詩稿卷五

五

七歲唐時女偏能賦別離
人原不如雁癡望一行歸
望歸歸不得寄意寫成圖
一點相思淚痕隨墨瀋枯
已抱鵲原痛俄驚鸞馭歸
空令比翼者又譜惜分飛
鍛羽留孤雁天涯抱病身
九原望不絕轉望書中人
十二月十九日蘇文忠公八百五十一歲生日
許星臺方伯招集繼園奉觴爲祝用東坡樂全
先生生日以鐵拄杖爲壽韻

千齡預壽老髯仙一百還輸卅九年宿應奎躔光倍

大命罹磨蝎晚逾堅空仇祠宇蘋馨潔

宋時公生祠皆爲呂惠卿

所毀依舊湖隄柳起眠到處畫圖留本色逍遙笠屐悟

癯禪

惠州許毅定前身八百年前共賞春今日公來重執
爵下風我拜亦攀鱗天舒北陸寒凝候地稱西園雅

集人丹荔黃柑分飲福杭民先後荷洪鈞

良宵參畫圖爲小鐵丈作用陶詩韻

通靈吳道子畫佛僧貫休何人參此理夢想而心游

五日石欲飛十日水欲流妙境不可悟付之汎汎鷗

小止觀長老萬里返林邱煙雲作供養不墮粉墨儔

月明勝鐙照雲卷如練酬著色不著相肉眼解識不

尺幅些子景隨喜散百憂奚煩鐵門限不許戶外求

松夢寮詩稿卷五

六

尺釵鈎刻樊榭遊龍興寺詩卽用原韻

童時造師門隨兄雪屢踏鄭畫人師家下學訪禪棲與寺鄰近

柏翠映窗閣十寶縱消沈一塵不喧雜寺鐘鏗華鯨

牆碑潔粉蛤頻來追清娛聯吟匪結納切前曾與姚益齋舅氏莊

幢以詩卷付寺僧桐軒高茶庵賦尊勝黑灰倏以飛魔霧吐氣欲茫茫

九里基轟轟八稜塔放光或再期復古會從合彈指

現莊巖飯心杜紛逖詞客洵有靈妙墨忽迴匝近得焚榭

徵君手書冊前詩在焉因鈎摹上石恍覩金石交相攜羶蠟榻上溯雅

遊時百五十餘臘若非佛護持胡逃劫摧拉商畧伴

金經余先得董思翁書金剛經石刻嵌於石經堂廊壁鈎勒付老衲回向高

密師辦香羅竹榼

題草蟲寫生卷子

莫代精五百首竟因題

春風芳草徑秋雨豆花籬造化含生意嚶嚶躍躍詩
四壁賦歐陽子七物題雍秀才何似飛鳴距躍宣和

粉本描來

畫師春草草蟲畫生寫畫師人日

蟣蝨曾窺四庫書穴經穿史意何如癡頑未食神仙
字筠管期君補蠹魚

送王子用補繪樊榭徵君溪樓延月圖并錄清尊吟

平書社諸公舊題於冊藏之交蘆庵用樊榭原韻

玉田偕泛晚秋天已未秋偕華亭張燈共青邱夜榻

松夢寮詩稿卷五

七

然庚申春復與高雪涕滄桑成小劫風回地棘憶歸

年畫圖依舊還雙壁香火重新託一椽更為券臺培

淺土松根安穩抱雲眠徵君墓在王家臨丙寅

不須貧我問蒼天高節清名尚儼然重九後庚悲歿

日端陽先甲溯生年徵君生於康熙壬申五月初二

年六十同龕仙眷蘿牽屋題主名流筆似椽徵君與

何上粟主乞道州安得精靈返遺象重摹風貌倩龍眠

子何暖叟補書得子得小象不可得故云名賢象甚夥欲求

合雕杭厲兩先生集外詩五百首竟因題

瓊想瑤思碧落天幾生修到亦神仙二僊坊裏留詩

卷何止芬芳五百年

翁家山看桂

戊子

本山栗子本山茶來看山中早桂花黃色黃光參佛
界香南香北裏人家依稀鷺嶺飄雲外準待蟾宮賞
月華折得一枝入城去餘惟間插膽瓶斜

日本小山松溪游杭久一日念親歸國賦詩留

別并貽畫幅賦謝

讀君無聲詩梅花香裏長相思讀君有聲畫如聞折
柳臨歧話有聲無聲皆入神萬卷書等萬里身自是
君身有仙骨前身鄭虔擅三絕君家遠在東海東飽

松夢寮詩稿卷五

七

看日出樽桑紅塵雲盪胸吐奇氣超以象外得其意
君游橐筆西湖西畫幃恍入青玻璃十日五日不出
戶悠然一笑豁然悟畫禪詩聖喜同羣飲酒又逢平
原君跌蕩西冷一枝筆擲筆仰天觀白雲白雲之下
有親舍掉頭不肯留文駕我欲轉向雞林求珊瑚碧
海定無價

贈桐廬申屠竹坡

己丑

公劉函館度隰原元聖洛邑卜潤瀍後世地理學所
祖宅經葬書其技傳吾杭文教淵藪盛鍾毓靈秀惟
山川文在策府教在學賢書鄉貢其一端榜題龍虎

每得半譬海光出明珠圓昔云無許不開榜登科七
子萃一門循環世運有升降今也落落晨星然造化
忽欲事補掾特假人力司其權桐君山中申屠子學
通天人研且專晏嬰身不滿七尺滑稽臣朔輕朝冠
水龍星馬貫精義唐楊宋賴參真筮相宅書凡廿九
種一一理氣刪蕪繁五行相制古法備八風從律庶
類蕃入地眼豁似月朗談天口啟如瀾翻長揖公卿
掉頭去市隱會稽託一廛偶登蓬萊最高閣欲窮禹
穴探奇編越中太守以禮致別構望海亭之偏從君
指示續鐙火光上燭太乙躔陸離璀璨吐異彩珍

松夢寮詩稿卷五

九

奪東海珊瑚船

劫後中額甯波獨盛君容越中爲言
蓬萊閣旁增構一亭懸一鐙必與科

第太守從
之果大驗

洞若觀火監諸水著蔡不能違其言儒術

確守蔡元定世俗漫擬劉伯溫時吾郡庠議修葺浮
江而來亦前緣指南以鍼定八卦拱北立極統一尊
上測晷影赤黃道下窮地脉崑崙崙根文昌傑閣闢六
面如星可摘參可捫試登青雲梯百級巍然魯殿靈
光存池流方折通半壁文瀾灑灑波浚浚有源有本
復有委韓潮蘇海同無垠君來杭適修杭府學爲定
方位起文昌閣以應文明
開秀水池以納秀氣今工未畢秋闈
共得正副四十人爲亂後諸科之冠
思陵石經尙屹
立八十七石東西垣墨莊推官苦護惜造塔獨拒紅

兜髡若非再來現色相定是幾葉貽耳孫

宋高宗御書石經今

亦重覆長廊尚存八十七石元楊髡造塔於行宮址欲取碑石壘塔時杭州路推官申屠致遠力爭止之獲免申屠公自號墨莊壽張人今歷五

百年君之姓氏適同豈非數有前定耶迄今五百有

餘歲重興首學新浙藩芹庠工半棘闡撤廣采蕭艾

搜蘭蓀亦如四十賢人聚姓氏書徧淡墨痕籀聲如

潮報聒耳盛事舉國眾口喧歸功文字乃曰否昔何

鷄雀今鵬鷗歸功風水亦曰否昔何蠖屈今龍蟠申

屠子獨笑點首事偶然耳歸諸天

畫莫爲孫仁甫炳奎題樊榭山人校閱周草窗澄懷

畫錄

松夢寮詩稿卷五

二十

野語齊東識癸辛澄懷餘墨更生新卧遊大好當圖

畫莫管滄桑七百春

小跋親題厲太鴻校讐如葉掃秋風收藏試證珊瑚

印珍入三家鐵網中

李中丞鹿山汪比部魚亭趙徵君谷林意林先後收藏

小山堂接壽松堂屈指君家七代藏卅幅勝朝緜料

紙行間字裏古芸香

勝情勝具本難兼安樂何如簡冊潛不但霽心天亦

霽爲君題句向南檐

正月十五日立春作

庚寅

春到元辰惟丙戌春歸元夜值庚寅百年難遇今都

遇萬物從新月亦新五日五時同至節七旬七載溯
前因時清光緒重光紀二八階升慶八垠八又煥發

蘇江古梅

一枝梅破臘老幹亦精神歷遍風霜久能回天地春
八且有感真良況雨膏池
碧海狂瀾乍息流荆榛又近亂山頭敢誇玉茗清生
腋未學珠歌已損喉高廩充盈饑鼠怨明燈幽暗鬧
蛾愁無多舊雨偏零落露白葭蒼瑟瑟秋

秋霖損稼越三旬拾橡牽蘿事事辛搏虎下車嘲善
士罄鴻集澤慨流民一年難補蹉跎日半月將迎浩

松夢寮詩稿卷五

三

蕩春轉瞬庚生開兌戶參同契鍊雪如銀

許子社郊今歲六十有四自號八八翁金謹齋
鐫印爲壽余亦賦此以祝

許子行年六十四易已乾坤及未濟易數無窮年不
窮亥算新號八八翁道光丁亥承平日翁之降生惟
八月天街賞月先兩宵浙江觀濤遲一朝嗣當二八
志於學入孝出弟敬先覺泊乎三八游於庠稟經酌
雅工詞章壯雖有室強未仕西粵倉黃盜賊起八比
程文八韻詩斯文掃地無人知八斗才華八又賦烽
火滿天更誰遇二二名泉歷劫遷三三舊徑幸言旋

蹉跎四四充虞廩五五而貢官八品八法書譌爲校

讐八條鄉約爲推求士兼八行監堂試樂典八音文

廟祭六六春還七七秋會看花甲過平頭好間求樂

徐公最宋徐勉年六十四自書好間詩集名求樂司馬初聯洛陽會司馬君實

年六十四與翁年與古將毋同八凱况繼高陽宗再

洛陽耆英會

經廿四花風發耄老眞稱八十八放曠林泉鶴髮黃

唐睢陽五老朱貫八十八歲詩云鶴髮俱宜頂道冠乍到林泉能放曠定隨世綵名華

堂宋廖剛奉曾太父年八十有八名其堂曰世綵庚寅若湖元和世唐賈昌生至元

心力不耗語太平事歷歷可聽宋一重陳太平事眉

齡從此晉期頤九九端應晉百厄椿八千與李八百

松夢齋詩稿卷五

五

八八長生永無極

鄒渭清

仁溥

觀察惠惠山泉

夙擅無雙秀甘居第二流出山施惠澤宦海悟浮漚

溺孰斯民振交因君子投一泓感分潤松下試茶甌

蘇甘金茗人福曾昨游南山酌虎跑泉今晨寺僧移

泉見餉仍分一酌賸以龍井茶請證回味示再

南嶽童子留胚胎東坡先生貽瓊瑰昨聞勝友飲泉

上今喜枯僧擔水來重汲雙鬢證冰雪或能三伏動

風雷春芽葉葉助茗戰壓倒雕龍繡虎才典八音文

彭剛直公祠落成

八品八封書

汾陽勳未及浙水千載偏多廟祀存威德不分疆域
志片湖況早乞 天恩

甲兵十萬蓄淵胸退省閒來隔歲中惹得漁兒并漁
女棹歌借唱大江東

黍稷而外思模楷鄉誼與情敬禮同特許中流添砥
柱齊芳左蔣與劉公

壽陸似珊

雲間鶴與遼東鶴君比余生早一年同巷肩隨小弱
弟還山心羨大游仙詩娛竹露荷風地政化蠻煙瘴
雨天何日相期一杯酒湖頭拚付杖頭錢

松夢寮詩稿卷五

三

雨天安溪道中

清溪冬渺渺小艇夜行行十里又五里三更將四更
霜濃櫓窠滑月直繚繩平市遠斷雞唱天空落雁聲

除夕六詠

井養年復年

復年暮之全其天誰勤汲古意文思如湧泉

紅繩貫青銅

兒時拜親賜老矣無人憐寶守洪遵志

送神青竹檠

迎神絳蠟燭天上與人間七日占來復

封門

守歲蘇子瞻覓句陳無已炫赫讓朱門餘甘噉蔗尾

祀容

事死如事生衣冠歲歲新愾然思笑貌團拜畫堂春

祭書

士無田不祭我以書爲田醉經與薛史再拜陳几筵

西谿

溪流渾不辨西東曲曲灣灣處處通淺水蘆花詩鬢

白斜陽楓葉酒顏紅

陸小石丈靈峰探梅圖成於庚申春日同游勝

松夢寮詩稿卷五

五

侶夙多舊識杭垣再陷諸老半罹浩劫此圖可

作忠義錄觀今似珊將供養靈峰屬僧守護謹

題四章志感

辛卯

山睡春忽醒翠眉舒粲然梅花共索笑相伴無言禪

陸子有遐興偶作隨喜緣探芳約舊雨新歲塵事捐

青芝秀深塢殘雪餘峯巔竹密暗藏寺澗曲幽鳴泉

來叩遠公室社同參白蓮冠簪與巾鉢十八東林賢

畫梅楊補之

楊蕉隱貳

覓句陳無已

魏野樂山居

魏滋伯丈

汪倫契潭水

汪鐵樵

同訪藐

孤仙更約參寥子

方外諸庵慧閣

飲酒時中之逃禪

聊復爾翳余皆素心重公達尊齒至言爲心聲含宮
忽變徵大招半國殤幾人返鄉里探梅在庚申二月五日越二十餘日
城卽陷方外謙谷閏三月八日重題叫絕梅花魂高
云其中懷抱悲歡之感不啻霄壤

山仰空止

子曰如之何佛云不可說一花一世界世界值魔劫
南枝綻新紅掩映忠肝血北枝萼綠華化作萋宏碧
數點天地心萬古冰霜節鶴子幸冲霄罡風獨避折
圖以在粵故存中含一段春善守五世澤卷中畫詩書不第
擅三絕

標題特健藥珍重瓊與玖追尋翰墨緣敢污寒具手

松夢寮詩稿卷五

五

君言世世藏我謂唯唯否歷劫已不磨觀空卽常有
何如蘇長公玉帶金山守詩好呈我佛畫更寶先友
時藝海南香勿貪缸面酒三藏永流傳一卷壽長久
寒食戲成

嬰粟叢叢占麥田東風新柳映逾鮮幾家青幕紅燈
榻憶否春城舊禁煙

題潘嶧琴宗師衍桐緝雅堂校詩圖

彭朱毛陸厲湯查四庫榮收集八家從此詞源開

浙派采風翹首使君車

儀徵一代偉人尊風雅惟求正始存不論冠纓及韋

布品題聲價振龍門

版藏經閣比蘭臺兵火摧殘委草萊阮刊輔軒錄版舊藏杭州府學

尊經閣上咸豐辛酉毀於兵重削汗青輝血碧論功繼往復開來

桂籍量才百十輩芹庠擷秀萬千人天公別使開文

運又見朱衣點筆新

淵微心迹一輪冰忠愛纏綿寓勸懲奚止羣賢留小

集直扶閒氣佐中興

露篠風篁繞座隅定香亭下靜研朱竹君子與蓮君

子便是詩中主客圖

府廳州縣志披尋聞政誰知用意深察吏安民卽張

松夢寮詩稿卷五

三

本更同文達節旄臨

臨安文獻繼吳搜風雨青鐙隻雁秋多感珊瑚收巨

網詩篇長附姓名留杭郡詩輯續輯爲吳氏所編丙

兄已逝茲蒙採錄甚夥尤所深幸

虹橋版詩見於頻羅庵集隨園亦曾記其事小

除夕仁甫忽購得之喜爲賦此

非文竹笏非玉尺賴有紫陽物爲格稽古堯民結木

棲武夷青避洪流白四千年後仙風吹錯節盤根遭

特識吳藏梁詠更張題厯劫重歸孫氏得髣髴飛來

小鷺峯冰心一片歲寒同我訪君家舊喬木文光寶

氣羨如虹

題孫景高先生遺照

卓卓壽松老團團古桂馨百年存大雅五世式芳型
神物偏呵護孫枝茁秀靈好偕乾道志厯切蔚傳經

元日試筆和邁孫韻

壬辰

隔河橋畔許丁卯示我壬辰元日詩虹彩乍騰新試
筆鶯聲如出最高枝文刊唐代眞超古印寶蘇公轉
合宜從此榆園來復往茶煙香篆悟絲絲

寄頌音吳門

出岫浮雲戀故樓梅花老屋冷西谿金淵宦蹟仇仁

松夢寮詩稿卷五

三

近竹石名家吳仲圭天許得聞誠幸也四方多故盍
歸兮一編相訂千秋業把臂同林共阮嵇

題汪秀民先生寒谿洗碑圖

犬吠南園地蛩鳴西域墳禮儀文錦守治績武昌聞
羈旅違門蔭流傳異里枌至今懷尚論忠孝有餘芬
据圖以證金石志葬南園者非丁鶴年省志誤

丁蘭箕漢世至性足宗之嚙血霜枯裏通忱雨止時
哀哀春草傳倦倦海巢詩太息題碑者翻令易代悲
有客寒溪上荒阡偶一尋重加封樹手特表採薇心
靈爽翩然契科名夢裏音一般君父義丹墨助披吟

松夢寮詩稿卷六

錢塘 丁丙 嘉魚

元日試筆 癸巳

去歲猶如赴壑蛇蛇祥又值好年華雪深壓厲餘螟
盡風轉知晴喜鵲譁社主門神求利市梅兄礬弟伴
生涯興來直上春臺望縷縷炊煙起萬家

不農不宦未全貧心事蹉跎過六旬遺迹武林搜委
巷好詩文苑續傳人縱教鬢影星星換猶願功修日
日新冰解池添重滌硯與春浩蕩寫天真

海會寺前江後湖之樓觴雪和楊雪漁太史 文

松夢寮詩稿卷六

瑩

不效袁家僵卧安偶來高處靜中看貧兒暴富銀爲
窟拔宅飛昇玉倚欄粉本樓臺工界畫酒杯塊壘壓
荒寒老梅香引新詩思底事沈吟驢背鞍

溫公澄泥硯爲仁甫作

中正剛方粹且純今從斯硯想斯人爵臺早結朋儕
誼書同局隨翰墨因何幸毀碑逃蔡氏差疑鏤篆出
安民綠苔繡滿家人卦片石應稱德有鄰

絺綌淘泥細似塵相州陶埴自天成璞如玉質涵山
潤汙比蓮根出水清題識煌煌眞魏李研磨兀兀宋

元明壽松堂古松煙壽珍重兒孫百世耕

和王琳齋重游泮水詩

浮浮江漢炳靈奇在泮者儒邁古稀風教三千尊講

學掌教高星辰廿八獨留輝同入泮二肯堂繩祖槐

遺蔭及第詒孫柳染衣何物傳家惟治譜偶從子舍

樂春暉謂鶴譜

宰官惠愛久非消謳頌山漁又水樵南國再來娛鶴

髮西湖閒影落虹腰鐵華舊社歡猶在玉局僊蹤接

未遙永錫試歌難老什豈同桃李望秋彫

題王元章梅花小幅爲鄭挾雲琦作

松夢寮詩稿卷六

二

膝趙邱徐去千霜溷以凡禽儷俗芳花光怒掃點濃

墨泥塗已覺森光芒崛起逃禪如石裂圈瓣安鬚鬪

冰雪牧牛小兒竊法之佛膝觀書燈映月九里山居

花事韻亂機先覺人誰信寫根若反灤陽骨踏雪空

搔潛綠鬢狂生帽大同酒缸短繒長幅易百觴調羹

事業不難致果輸貞性朝眞王王郎仙去花魂冷鄭

虔解事噓之醒壁合孤山一樹春影照鑑湖八百頃

江右老婦挈六歲兩孫並頭合體示人索錢書

此憫之

比翼連枝託誓盟在天在地轉歸人從同同處想非

想不解解之身外身特立獨行原不易黏皮帶骨果
何因聖賢胞與期爲量莫笑駢生耳目新

謝綬之

家福

病起偶吟見示和韻

淵源春草綠生池忠愛纏綿動止宜學務利人非利
已澤同良相本良醫

君先德有醫名

卅年饑溺嘗懸夢萬戶

流亡待補瘼珍重寸心持道義竹風荷露漫題詩

葉盤新摹丁敬身隱君象屬題

硯林錢塘江上人祖述龍泓丁隱君負米踏麩供其
親餘力讀書常斷斷下數漢唐上周秦鼎彝碑碣通
說文篆刻絕藝無等倫與諸鴻博張一軍詞科掌錄

松夢寮詩稿卷六

三

揚清芬庭前諸子皆有聞張紗古弄屋荆榛集慶寺
後荒秋墳獨留遺象傳風神抱膝坐石全天眞葉子
好學忘清貧暇操鐵筆鐫貞珉私淑前哲香瓣薰藝
林名重同千春

冬日卽景

小雪大雪已過舊雨今雨不來東鄰西鄰蓄茶南枝
北枝釀梅

題鐵生臘梅小幅爲頌音作

吳九新得奚九畫畫裏黃梅花一枝黃色朝來上眉
際萬松嶺外和蘇詩

頌音營生曠於此故云

元旦試筆和許邁孫韻

甲午

春帖塗如雁畫沙屠蘇有酒不須賒平安生守幾竿

竹冷淡交留六尺花蛇尾蟠蟠潛北室馬蹄躍躍悟

南華金橋塔巷詩來往兩樣蠻牋一樣誇

子社亦有詩見投

自揩書眼辨麻沙新撚吟髭興味賒山魃潛藏喧爆

竹水仙靈應供香花學翻西竺經名義擬仿東京錄

夢華尤羨壽松堂舊澤重周甲午向人誇

雲居聖水寺中峯和尚象

象係王夢樓潘蓮巢合筆臨趙子昂原本翁

覃溪學士題跋信爲真跡經夢樓續跋始發

松夢寮詩稿卷六

四

其覆

幻居遺象原非幻游戲神通洵偶然蓮子生蓮夢中

夢沙鍋打破畫詩禪

覃谿學士眼麻查讚歎題詩墨藻斜一樹梅花百篇

偈化身無礙會無遮

自許孫花翁墓

南華金先是墓覆圓鐵眾說滋疑曲園先生據青湖

竹翁詞撰爲墓誌更賦律詩勒置墓門可爲湖上

春湖登故事

花翁墓對斷橋灣祠改碑殘迹孰攀徵信幸憑金管

記傳疑得破鐵圍山香蘋好侑寒泉碧宰木添栽夕
照殷何止百年朱老慰存同劉趙定開顏

鄒典三

在寅

得粟園先生書舊蓮瓣已閱五十

三年典三以玻璃屏代碧紗籠和韻紀事

詩筆題蓮瓣壬寅紀夏初書香香自在歷五十年餘

一片遺書帙藏時想更初仙靈通脉望慧業證三餘

漫道輕如葉芙蓉鏡裏看伊誰歌采采曉露未曾乾

浩劫三衢滅書留亂後看幸哉君子澤喜聽鵲聲乾

堅題壽星巖磨崖拓本

萬歷磨崖照水濱王題盛隸鏤由陳靜參南極老人

松夢寮詩稿卷六

五

相舊識東坡學士身三百年來周甲午九重天上證

星辰摩挲椎揚期同壽歲歲常留太古春

水濁西江一夕清何虞百雉過都城才猷合秉智仁

勇諡法高推烈敏成預兆三人營好事先基千佛證

經名啞羊祇結飯依果隔代猶將片席爭

東南西路各專祠

胡祠喬司王祠天真山孫祠湧金門外

俎豆於斯合

祀之獬豸觸邪伸正氣蜂蟻撼樹託良知錢江洞溯

姚江派入學流連下學時

幼隨兄讀書小橋秦氏早晚必經祠前

六十

年前無限感斜陽依舊照苔碑

林橋兒墳歌呈蔡秋圃丈

積慶山高秋風哀山頭冢有林家埋林家先世託業
苦賴肩赤足充輿僮擡輿幸遇劉誠意乞相區區埋
骨地青田垂憫指點之地脉綿綿傳後裔縱非鶴表
與牛眠不斷清明化紙錢梅白固無三百樹草青已
闕半千年墳鄰何氏山林界林家欲賣猶未賣地賣
墳留誓券書兩家心地都無害始信青田日不乖
兒雖歆有人擡再肩五百春秋後各看雲孫祭掃來
吁嗟乎官輿八損生前貴白馬素車會千輩曾幾何
時翁仲移券臺易主碑破碎或被豪家勢族侵墓門

松夢寮詩稿卷六

六

神道渺難尋孝陵尙種瓢兒菜百姓尋常況到今我
之高祖塋相近近耳廬江新合聞讀罷靈城精義編
還參蔡氏發微論

元旦發筆用許邁孫韻

乙未

雞人初報住街更旭日簷端喜放晴攜杖出游非覓
醉咏梅禁體避調羹鯨鯢待息東來氣罷虎誰張北
討名淡飯粗衣理書卷年年常此祝安平

用前韻贈邁孫

三五推排附老更舊聞何止驗陰晴挽飛功佐太倉
粟澹遠文如清廟羹密竹疏花無盡意白鷗元鶴莫

能名不貪各識金銀氣洞府東西分要平君居金洞
橋敞居銀
洞橋相望祗隔一河也

新年書懷三疊前韻

羊兒歷日又新更鳩婦慵呼雨卽晴睡手勲華嗟冷
炙嘔心文字謝塵羹東門蓄菜偏多味西域傳芳任
闕名肺氣近來風益劇幾時高枕卧能平

春寒

雪戰雷驚冷信多典衣賞酒禦如何李花未放藤花
勒試問東風幾日和

曹家南湖慧雲寺

松夢寮詩稿卷六

七

曹家而後更張家始信皈依佛不差定力穩棲人日
鳥慈心常護水梭花新環壁壘防虞密添鑿河渠利
濟加我愛瞿僧三十載與梅同守一袈裟

感舊

先君作佛事於昭慶寺趙鴈湄姑丈購寺門
攤售木製刀槍惠余兄弟喜而持舞先君見
之怒投於火今偶憶及作二十八字

刀矛玩具付爐煙嚴訓追思六十年昭慶門攤今寂
寂獨留古佛靖戈鋌

書昭忠錄後

褚家塘助聖廟肇自唐宋間明成化乙未里

儒周璟上於朝得請春秋入祀更編昭忠錄

以紀其盛今冬忽得原刊錄本入逢乙未洵

非偶然敬用周先生進本詩韻誌之

閩史窮搜蹟半荒趙誠夫著褚堂閩史求之卅年不

得其全今秋刊其攷證一卷纔畢工而此神憐默賜舊封章承籙祀事修者舊還笏忠

誠沐寵光力竭三千餘里遠用周先生心留四百廿

年香自成化乙未迄今四百二十年 鯁生何幸逢靈貺竊願重雕式

梓鄉

臘月二十日獨看迎春於金洞橋時有甘雨

松夢寮詩稿卷六

土牛溼溼引芒神五九寒消節又新細雨聲中殘雪

裏一人來看萬人春

孫氏歸書圖歌

延津之劍合浦珠楚弓趙璧交乘除其間文字更稱

異精神所結通古初吾杭孫氏姚江脈敦詩說禮味

道腴收藏經史壓鄴架博羅碑版宏漢都世際乾隆

右文治津梁後學咨鴻儒 詔書大開四庫館詞臣

承奉量吏趨廣徵祕笈及浙水古今鈔刻所不拘浙

儒應 詔竭忱獻若范若鮑若汪吳壽松堂主亦與

盛隨進百種上 石渠中有臨安志三卷 題詩仰

荷 御筆濡 諭還原帙慎寶守更 賞韻府 嘉

恩殊名臣碑傳百之一同拜 曠典歸寶懾書香郁

郁歲華永神僊字飽紅蟬魚庚辛運肅厄陽九紅羊

青犢相吞屠 文瀾傑閣尙摧毀斯文墜地咸唏噓

劫星退舍五雲煥典守閣籍推鳳雛 康侯文學近充

去年龍集又甲午 賜題臨安 乾道舊志重雕摹 歲

仁甫明經重雕臨 安志甲子兩周矣 金鳴石奏感斯應常恩趨走功非

虛無端琬琰晦復顯儼如遠客還故居上中下集卷

百七編者杜繼眉山蘇建隆肇造紹興述羣臣功烈

欽都俞甲寅春值紹熙紀大珪自序文盤紆翰林院

松夢寮詩稿卷六

九

印押卷首冊面本記文鈐朱乾隆三十有八載浙撫

三寶銜名俱一十六本計一部送到孫某家藏書葉

十三行廿五字字字精朗無模糊由來宋槧已難得

何況先世之所儲卽教手澤偶然保何況 天賜之

所餘百二十年運轉轉千萬億劫誠區區時也乙未

歲將徂喜君書田稔不蕪合舉家祭效庚拜亥首丙

尾卯酒壺燭花雙結紅珊瑚載披舊帙增歡娛與臨

安志德不孤書兮勿失松勿枯

記老人擔米

解衣推食古之義誰謂今人不能繼特憐繼者世不

多童子何知知此意光緒乙未歲將除饋貧年米施
普濟千石萬斗十萬升先分米帖爲成例武林惇獨
寡且孤往往藉之卒殘歲于橐于囊負更擔中有衰
翁挑兩器三斗未滿二斗逾一竹纖纖兩繩繫誰知
道經中正橋一桶底脫米散地縱留一器不能容倉
皇莫措但流涕哀翁居隔偏遙遙家無別器易非易
隣嫗更比翁力衰待之舉火米難棄過者駐足空旁
觀相對躊躇無一計忽來一童眉爲攢急解裏衣權
作替包之裹之足一囊餘粒收羅靡遺細途人嘖嘖
交嘆嗟不信此童不自利童年約略二十強不似攻

松夢寮詩稿卷六

十

書似習藝衰翁擔米得得歸惜未將童姓名記

春岫江千度歲有詩自記和韻答之

梅柳江春又一年耐寒夙契數張遷黃棉裹骼推王

政白粥充腸廣佛緣閒裏人看人往復

君在江上施粥適近義渡

吟邊我與我周旋與來景寫吳兼越素絹平鋪歲燭

然

十日 丙申

年過忽十日春回已兩旬杜門非謝客祭墓當娛親

雪爽梅花落

今春早暖梅已半謝是日微雪

風翻麥葉新吳山春似

海健羨踏燈人

里中行兔兒燈爲樂詠之

霜毛雪耳一團凝圓轉金輪曳絛繩天上人間同顧
兔燈如皎月月如燈

良辰小卯試深耕仙日春來玉粒新出土牛還迎虎
後更看社火六街春

形裝撲朔影迷離簫鼓喧闐午夜嬉老我兔園翻故
紙一燈青味憶兒時

元宵口占

挂挂紅燈鳥語浮浮綠酒螳香紫姑擁篲問卜素娥
開鏡初妝

松夢寮詩稿卷六

十一

送陳鹿笙瑞觀察楚南用留別韻

穎川家世重都官政事文章敦古歡寵辱不驚臣志
定升庸尤感聖恩寬陽春遠布巡驄馬同輩先爭
翥鳳鸞彈指光陰三十載綬紵青紫轂施丹

錯節盤根閱世塵歲寒松柏後彫身無形忠信豚魚
格有美湖山燕雀馴膝下喜看榮萬石眼前何止活
千人樂天詩本東坡筆結習難忘翰墨因

悵然南浦賦春波蘭芷香中江有沱地重三江資鎮

撫民咸五袴起謳歌觀書老許眼如月說士奇搜口

辯河翠柏紫薇枝接茂龍光歲歲拜 鑾坡

鯨波東海不勝愁公爲蒼生未敢休已分安平成吏
隱本來坦蕩與天遊雨應蘭澤隨車至風定棠陰卧
轍留書卷贈行杯酒餞爲看春滿洞庭舟

偶然作

豺虎伏山谷今則嘯市衢蛟蜃藏淵海今也游溝渠
大道在不器小人利懷土器巧損心神土毒壞肺腑
大而論億兆細而較錙銖誰知大腹賈不及細腰奴
西子蒙不潔東施忍效顰傾城豈在貌絕代有佳人
翩翩貴公子碌碌賤丈夫賤者半爲鬼貴者將爲奴
南鞍兮北轡不柔亦不剛晝伏而夜動紛紛誇自強

松夢寮詩稿卷六

十一

忠信篤敬本文字語言未異端別有端何必更闢佛
詩書姑束之且覽時務報刃劒姑賣之且打格林礮
打礮計亦拙逸有鐵路車覽報圖亦緩恃有暗馬書
大而七月三日葬亡室陸蒸人於金筑山感紀

卅載夫妻患難中一棺送汝葬秋風無金諛墓文從

實

俞曲園太史志墓銘

種玉收田望未窮永侍翁姑兄嫂側適

占年月日時同

皆屬丙申

從今好買閑林酒待我來澆十

尺松

西藥服多不效人仍趨之偶作

瓶水津津露有光粉研絳雪搗元霜重樓蜃市萬千

象祕篋龍宮三十方在昔鹽梅羹自美於今甘草味
爲良從無康子遙相餽慎守中醫未敢嘗

七夕

玻璃瓶電氣成噓往復迴文報不虛萬里兩情通一
綫不煩青鳥爲傳書

九光燈易電熒煌千歲桃誇冰蜜香今日西王徧來
母漢廷少見笑東方

銀河一道碧鱗鱗欲渡雲駟恐染塵涼雨謝教車淨
洗赤標新有駕朱輪

聘錢十萬儘消磨無計賞還奈憤何聞道黃姑不平

松夢寮詩稿卷六

三

語近來塵世債尤多

秋風捲盡碧雲霞掩映明河一水斜自有輪舟探北
極張騫何事泛靈槎

上窮碧落氣毬高下徹黃泉礦務勞何必臨邛黃道
士仙山始覓海中濤

織素流黃備女紅紗輕絲細近逾工可憐一片支機
石誰挽東南杼軸空

癡兒駭女聚成雲禮拜天堂七日勤一卷真神經授
記勝他乞巧柳州文

銀州神語詔加詳富貴天生壽考長號令不更旂變

色臨淮可否比汾陽
筭法精深至理該別翻化學運奇才郝隆曬腹搜羅
廣不曉新書格致來

生辰至龍興寺

七月二旬數不差勞勞六十五年華老松比我長幾
歲野鶴與之聯一家亂後刻書聊繼絕病餘學道或
無邪思親禮佛尋僧話消受娑羅室裏茶

有感

桑田三變忍聞謠東望蓬瀛迹匪遙粟貴誰能嚴海
禁錢荒吏且護私銷葉公碧宇好成幻巢父滄波洗

松夢寮詩稿卷六

古

愈驚何處掃愁覓紅酒趙家十四相公橋

桑田明月詞

明月照匡牀皎如銀燭光銀燭有時淚明月夜未央
明月入閒房如接友清光友或隔天末月不離故鄉
故鄉月一輪惜爲異鄉奪日思日思之輪迴幾時復
天上月圓明未照輪迴苦珠宮貝闕間行樂自終古
詢張寅伯 景雲 八月十七夜見月華

再展中秋雨夜秋快哉起遇月當頭五光文彩開天
寶九道圍環應地球銀漢淨凝珠露溼金風涼捲碧
雲浮姮娥不是偏情思祇恐乘槎向斗牛

夢醒偶作

夢醒聞雨作細審屬耳鳴燈滅色胡皎乃知窗月明
此境誰所喻此時心獨清呼僮起煎茗聊慰病榻情
銅瓶水初沸又疑急雨聲竹爐火乍活又疑殘燈燐
瞬息變忽忽百歲徒營營宜乎封鯨觀易爲走馬墜
朱文公祠落成種桂追憶

楊粉園師昔與越中周君寄

晉鑠

游湖上

朱文公祠值桂開守者他出不得入翌日周
君以詩貽師貼於聽香樓壁上卽丙兄弟讀
書處也越五十餘年尙記一語足成二絕以

松夢寮詩稿卷六

五

寄感慨

阿師攜友訪湖莊友自歸貽詩幾章猶憶小樓黏壁
句朱門深鎖桂花香

往事依稀五十年可憐兄亦返重泉近聞祠桂開尤
盛可有香飄病枕邊

病足自遣

險阻艱難歎我生學書學劍兩無成雲哇叱憤辭長
鋪雨夜聞雞負短檠卻藥仍含黃檗味栽松豈爲白
苔情下牀動足知何日南北高峰自在行

海垞見示用漁洋秋柳韻詠蘆花詩病未能和

聊成三絕

眎余新賦蘆花句彷彿漁洋秋柳篇
霜鬢莫生遲暮感羨君浩蕩白鷗天
瘦臥蘆花被一牀夢魂空繞水雲鄉
何時孤檝盪寒兔重訪徵君與滿娘

竭來世事亂如塵港曲兜灣孰問津
且把茸茸縛茗帚自家掃地自家珍
夢中作

西域遨遊數萬里禁林閱覽幾分秋
秩超槐棘鷺鷥侶跡溷芻蕘雉兔流
利器忽傷城北面前車應鑿海

松夢寮詩稿卷六

六

東頭先憂後樂何爲者搔首徒澆酒
一甌黃巖王子莊菜寓寒家纂修杭州府志臨別送

虎林文獻屬先生百卷圖經幸有成
不媿絳人開絳帳待刊青史映青檠
湖山載酒資游興祠廟題碑振道情
杖策春風先有約重來安穩越江行

賀高靖孫全棟遷新居

鴛鴦湖上侶況獲鳳雛譽舊夢寓公傳
新依長者居對妻父孫仁甫家交情垂四世
學業望三餘缸面春醪蓄梅開醉待余

昔人繪瑞香水仙梅爲三香圖余聚佛手柑木
瓜橙置之牀頭秋香襲枕因而成詠

果哉不速客一笑共聯牀奚羨金三品疑游國衆香
風詩曾入詠霜信竝摧涼更卧菊花枕夜無如此良

臘月十九日從孫上左合登喜賦

東坡生喜嘉辰屆北陸晴看瑞雪豐冬來昨宵方得
雪今早快晴

泉下阿兄得孫婦庭前猶子作家翁麟振待卜繁昌

日雞警無忘勤儉風柏葉迎年斟綠酒合歡掩映壽

梅紅

祭衆安橋岳王廟作

松夢寮詩稿卷六

七

豕行北寺怪魔侵虎縛東窗毒計深天黥一年除夜

盡地悲九曲古城陰祖孫著迹輝青汗臣子綱常炳

赤心猶有衆安橋畔廟樓霞同挺柏森森

十卷昭忠集久湮重搜遺翰仰如神金陀編更傳程

史玉楮吟還贊寶真詩咏棠湖餘韻在乘留梓里古

緣親歲寒薦汲銀瓶水古籍兼如宗器陳舊藏文集
校刊未精

粹編亦多闕頁年來得淨明齋刊本又明刊金陀粹

編玉楮集程史鈔本寶真齋法書贊棠湖詩稿並湯

陰西湖兩志一笑其編相笑羨金三品湖湖園泉香

陳以告王
元日試筆
除夕陰霾掩薜蘿開年風日轉祥和青皇黑帝交迎

送白叟黃童共笑歌晴盼七人過入穀秋期一舉更

連科謂道甫棧甫昌甫諸姪游春從此健腰腳坦坦平平道不

頗

月詞

新月初三夜纖纖見一鉤鉤儂心上事眉史倩誰修
過了初三夜彎彎瓦半當何須論仰覆名字羨鴛鴦
初七還初八天邊月似梳郎情忘結髮雲鬢任蕭疏
望望上元月圓如寶鏡臨鏡能窺妾貌可否照郎心
同修甫姪展金筑山墓

春氣山林淺年頭人事稀雪消松愈健風軟麥初肥

松夢寮詩稿卷六

六

攜酒澆墳土炊烟款版扉飯於張山人良善家幾時成丙舍魂

夢戀依依

澹遠西谿路閑林勝可乘筇行輿軋軋梅亞屋層層

風古無投刺春晴預試燈何如老斯地心與水俱激

和春岫元旦試筆韻

健羨年新試筆新東來先領大江春志如白屋啼飢
意緣結青山不朽因金柳玉梅誇富歲蒼松翠柏比
吟身不須窮我將天問冰雪回寒正有人

題宋子和元煦抱膝坐石小影

龍門凝道儀舊德虎林經略懷前烈廣文先生介於

石抱道在躬綫屈膝偶然寫出冰雪容些子勿留渣
滓胸門生無俟載酒從拂拂滿座生春風

正月十六日修甫姪又爲次子仁友娶婦楊春

浦疊余韻爲賀因繼詠焉

吉卜承先還啟後時歌人壽並年豐元宵以次聯嘉
偶一月之中又作翁好勸三餘勤學業待看四德振
家風合歡酒繼屠蘇酒醉飲醄顏不退紅

春浦兄交五十年矣道義切磋久而彌敬今春
秉鐸茗郡賦此贈別

一枝鐵笛流音遠五朵銀花賜印豐歷歷久推名世

松夢寮詩稿卷六

克

後看看漸及杖鄉翁吳興掌故謔今兩安定心傳接
古風苜蓿霏香芹藻秀羨醺問字酒顏紅

酬楊春浦韻眎從孫仁友

好事由來理不偏當頭況遇月高懸天餘川媚珠懷
意余與竹舟兄均娶於珠潭凌氏潭上結屋至今感慨係之地得冰清玉潤先
所居屋係蔡氏舊廬壁間嵌有潘文恭書冰清玉潤
之居石刻乃爲麟洲贊鄭夢白中丞署時所書其後
刻石攜歸仁友贊於盛氏青廬適在於此三日羹湯修內則一庭書帶繼
良緣新詩寫出爭梅柳笑與城東郭北傳

鐵尉續謠

吳山鐵四太尉曾用樊榭韻紀之并注其事

今閱曝書亭跋晉祠鐵人云太原縣唐叔虞
祠西南隅聖母廟階下鐵人四長九尺分兩
行侍立脅前有字紀鎔鑄歲月是政和年造
大聖觀杭州太原地雖遠隔而一爲聖母廟一爲聖
母池鐵人數同又俱爲宋時造似當時制度
所設因復詠此

晉浙遙崇聖母祠政和元祐鑄同時摩挲鐵象冑前
字足證韓門樊榭詩

曲園先生遊石屋洞訪得霍韜李元陽等題名
考核甚詳因步元韻

松夢寮詩稿卷六

于

霍鳴家孫挺不旁趨朝自粵道錢唐渭厓編集遺遊
覽石屋題名藉表章求友情歡停驛舍明倫典待振
鵠行紀時已未清和閏領略林間草木香

薛壁蒼蒼姓氏看南關權使未全剝出塗惠徧孚商
賈據座豪能折宦官定滿袖詩吳苑裏偶沾襟酒浙
河干大梁更溥甘棠頌青史何如素節完

大理還捫仙李題遊蹤歷涉澗而溪百函閩籍刊同
古一朵滇雲耀不低東道或應屬民望

王民望廷表
滇人正德進

土官合州推官與中溪友善此題名同某
某字已勉或民望台州至杭相與雅遊也
訪聞黎先生頓使山增色石墨鐫華付後稽

逃禪

六根初淨肅清規何意魔軍又暗摧慧劍一軍除六賊始知我佛大慈悲

荷花紈扇

一花還一葉一蕊更鮮妍繪出冰紈景如參蓮界禪風清搖陣陣香氣接田田彷彿陂塘坐清涼自在天

理安寺送水

老衲憐威熱施來法雨泉六塵滯白首十里惜頰肩氣帶煙霞重香含風露鮮還求師法說甘澍浦農田

七月二十三日送昌甫姪赴錄遺有感

松夢寮詩稿卷六

三

咸豐乙卯是日余應錄遺先聞二叔父病於吳江同里司署場中作文心在同里次日得耗病沒時先君子患瘧方止自聞惡耗瘧疾

又作隨於九月二十一日亦卒今四十二年

風

試場苦憶吳江病丹桂香飄卅二年

是日詩題天台桂子為誰香

今赴錄遺看猶子可憐予季亦重泉

弟頤生歿亦十八年矣

葉伯丹贈天台藤杖詩以謝之

昨夜夢登天台峰仰見雲氣隨蒼龍招之翩然入我手化為八尺游山筇曉起有客叩門訪入門其氣光

如虹葉公賢裔三台彥文章星斗羅心胸歡然贈我
濟勝具鱗甲面面皆玲瓏手持起舞不暇謝快意追
躡飛猿蹤從今我罷號蹇翁從今我宜字聾蟲眼看
四海蛟鱷沸大好伴我空山中忽憶黃巖王內史說
經專家文正宗上堂奉母下講學指揮口授生春風
生徒濟濟盡龍虎雲衢上下遞相從龍若不願對以
臆王叟校書明雙瞳太乙老子時下降游戲鱗爪遭
火攻君家圖書富萬卷幸束高閣塵爲封危持顛扶
永相守龍兮性懶真吾同中秋攜爾上天柱慎毋狡
獍銀橋通

松夢寮詩稿卷六

五

餘贈姚鏡西

瑩俊

見贈蓮居淨室石刻本

派味蓮居淨室在土橋見東城雜紀昔歲往游惟
火文持三銅佛三絕碑僅存姚君此搨得於蕭山後
蘇王真有胡書農吳康甫魏滋伯諸公題跋
昔友周蓮舫鸞書棲土橋偶與近隨喜竹屏闥僧寮
僧飢去如鶴金仙兀岩堯塵闕蜂王國葉滿燕子巢
一片三絕碣冷翠遺牆坳緬維紹覺禪高風殊寥寥
天魔瞬息至淨土亦莫逃何況身外物鮮不劫火焦
亂餘屢過訪橋牘綠刺篙何意卅載後友得蕭然姚
貽我妙蓮得瓣落根匪凋因緣賴以永題詠亦復饒

始信文字寶端繫金石交卽空還卽色行爲佛解嘲
高姑嫂餅

當湖姑與嫂餅肆兩相當小樣素娥月中央青女霜
甘和諳食性貞節守家常不羨紅綾貴誰爲彤管揚
十月十日天長寺飯僧感成

地下睽違十載期飯僧蕭寺動追思慈親望子捨身
處長老爲兄摩頂時五九年華歸淨土一重公案證
清池茫茫誰會子心苦佛外惟餘古柏知
十一月三日放雞用白香山贖雞韻

太歲今在酉宜酒解元繁醉餘懶起舞那辨東昇瞰

松夢寮詩稿卷六

三

孳孳厭城市啮啮思鄉村淨瓶甘淡薄膩鼎洗煩冤
行謝止宿仲老請學圃焚喜聽烏鵲噪惡逐鷹隼翻
偶來鬻鷄者肩籠息吾門籠雛十四隻隻聲暗吞
羽毛縱豐滿羈如入芰豚青錢損五貫買放給孤園
飲啄適其性牛刀免戲言事恰類白傅詩故敢並論
啼聲忽到耳同感大生恩

是日歸陳氏
女產一男

越中展墓宿祠三日偶作

打稻喧喧蓄菜新就中魚鳥也情親吾心更愛炊煙
好高不薰入下養人

之江一隔滯歸航先壘睽違二十霜莫怪兒童未全

識寸松長得比人長

錢塘學舍傍筠青此亦祠鄰翠繞庭媿乏來儀張手
筆戚家園記竹深亭

漫論身後是非心演唱中郎感慨深門對柯亭懶相
卽讓他裙屐遇知音

柯巖鑿佛仿飛來點綴山池與石臺一笑五丁同見
訪前生山或我親開

祁公高節寓山頭身殉青蓮寺尙留獨我愛書心未
死劫灰中弔八求樓

韜吳曜越古衣冠梅市仙分社飲歡招得狂奴爲快
松夢齋詩稿卷六

松夢齋詩稿卷六

十四

堦自然天子不能官

塵事憂煎總睡餘黨庠家塾願終虛誓將身作村夫
子來課蒙童讀四書

臘月初九夜夢兒

夢中宵亦晝時節雨偏晴蹤迹疑爲客音容忽見兒
兩逢旋兩隔誰死復誰生醒後燈無盡長天落雁聲

正月三日自山中歸卽酬許邁翁元日試筆韻

並東宏熹品照上人

戊戌

上年除夕宿雲棲元旦靜慈寺中次日登五
雲山沿江禮六和塔宿虎跑明日雪霽循萬

松嶺進香吳山而回

悟來病葉與狂花且就雲棲老衲家一歲平安同此竹半生甘苦證之茶問誰西域參真諦豈獨東京感夢華三百六旬明日始身如鶴健願非賒

敢期一笑比拈花粥飯隨緣當出家詩有佛呈欣發筆座無客賀自烹茶洗心池上窺雲影迴耀峰前祝

日華是日食從此大江梅柳渡預支春色十分賒

盤旋石磴踏霜花伏虎禪宗訪一家雲裏穿雲游子杖色空悟色美人茶山茶猶劫前物下山步步餘嵐氣禮塔

層層想 翠華還宿東坡舊題處莫訶貪進俗心賒

松夢寮詩稿卷六

五

曉起林泉雪霽花春前臘後愜家家歸循浙水敷文境新試吳山勝景茶尙憶童心舊游戲忽驚老手句清華年年努力酬佳韻來往吟筒興倍賒

答高海垞

北固青山在金焦點點清因之泛煙艇依舊對書檠詩附雙魚簡憐深一鶴情他時增掌故記寫武林城

君有湖墅小志願著文獻

舊夢青邱子傷離不自聊高茶菴至友也逝已十六年矣今懷左橋

容相隔又多遙獨索梅花笑誰賡菜甲挑清明如有約相與訪參寥

讀松漢紀聞曲洧舊聞

痛仰洪朱兩使臣冰天雪窖剩餘身不圖安富尊榮
地僅博三年日記新武文一動靈應千平古八曲發
白頭讀回鑿事實讀其語來彭善聞書宋元明興廢
富國強兵孰救危倒戈反噬有何爲孱康千古雖遺
恨猶得東朝奉母歸

天竺道中口占天竺道中口占
白樂橋西俗不侵嵐光林旭映森森漸知靈竺三門
近已度喬松九里深畫像閒參烏太保妙緣首禮黑
觀音鷲峰先我飛來遠爲證慈悲自在心

松夢寮詩稿卷六

三

贈水星閣志安上人

光明朗徹水晶幢常住僧如丕拔椿歲祝瓊懸三月
二張功甫生朝三月二日上人每歲祀之緣留桂隱百無雙咒經永護
生魚樂定力能令狂象降更七百年道場在熄災功

德壓錢江

游龍興祥符戒壇寺

白頭老衲久無存獨我能來述舊聞唐宋元明興廢
蹟劉誠晉蘇卿白後先文一幢經轟千年古九曲鎧
昏三寺分惟有門前橋下水綠波猶是映斜曛
南屏雪舟長老重新淨慈山門詩以賀之

慧日峰寒薜棘昏
阿師來掃劫灰痕
壞黃甃塔一肩任
錫紫沙門兩足尊
露電幻參經卷在
煙雲供藉畫圖存
法燈七代傳無盡
願就長明對榻論

喜得飛來峰唐廬元輔刻石拓本用盧詩韻

沙門曾賜紫袈裟
峰對飛來鑿釋迦
亭訪見山遺柱

礎詩留鏤壁破苔
花如韓禮重玉川
子先白文收金

石家卅六年來見
真本病眸何幸覩
朝霞

錙披紙薄比袈裟
早勝蘇題院釋迦
紫陽山釋迦院石壁刻有蘇詩

今尚存 仿佛精魂重
遇李證參慧業笑
拈花一重驚嶺

增公案千載龍泓
慰故家翠墨期搜
武林徧壓他阡

松夢寮詩稿卷六

七

錄燦雲霞

金危危曲

富兮不侈金繡幃
貴兮不豔金帶圍
危星危日合金
德金斗金奎同證
歷幸逢是日宜祭
神富者益富貧
不貧真靈位業不
可考傳與八蠻隨
進寶輦金力任
推車夫絨衣角帽
雙臂羸酸鹹之外
嗜好獨供謝名
香與華燭大烹厭
割金花猪小品無
獻金鯽魚腥肥
尤喜羶羊胛野味
兼羅諸鳥雀燒春
滴滴辛辣多就
市買藉金戈戈深
宵寂寂守燈火掩
門勿加金鎖鎖
敝冠一叩神來來
巍巍疑現金銀臺
短衣一揖神去

去回回疑駕金玉輅若逢醉客來闖門喜同飲福開
芳尊源源從此金不絕境遇雖危能轉吉噫噓嘻世
事無爲而有爲人果不違天或違若不危言并危行
千金萬金亦徒盛

岳墓觀重鑄鐵囚

一頭壓日兩腳長牝雞配以長舌王諫議中丞心虎
狼附和羽翼西秦張四奸合謀岳王死急慰完顏四
太子二聖回鑾從此止半壁江山自此始越十三年
秦慄慄清河湮涸轉在先東窗事報夫人前万俟卨
召僅半年四奸轉瞬菱秋草柏向南枝悔不早綱目

松夢寮詩稿卷六

美

論定紫陽老墓門高聳樓霞道四奸各具鐵心腸移
鐵鎔成四體僵千捶萬擊鐵也傷一鑄再鑄鐵自強
萬人走看聞奸語後來賣國遜我汝割地輸金兼辱
主一和再和尙勿許聚鐵當不止六州車軌造餘添
鑄囚特惜世無將軍儔否則長跪吾將休

題靜法上人小影

上人足功行余亦成衰翁相視各一笑三十六年中
仙鶴靈猿道侶毒蛇猛虎心魔方圓一定止水晝夜
六時彌陀
草塘東去有禪林井水清時印道心心一自能生衆

妙百千萬億現觀音

如何二首

半生毀譽付滄波卅載勳名一刹那試問懶殘煨火
芋近來甘苦味如何

雀鼠紛乘屋與牆悽然夜坐聽鳴蟲洞穿薄薄一張
紙曷障疏窗西北風

閉門

元旦明明逢日食世塵擾擾類風顛一心懷利子臣
弟三教爭名儒佛仙四海九州無託地千秋萬古有
憑天閉門噉飯讀書罷靜看爐香直上煙

怪藤

松夢寮詩稿卷六

无

咄咄有怪藤纏結老樹枝沿緣歲月久萌蘖雨露滋
篆曲學蝌蚪勢怒比蛟螭外蔽樹之氣中喪樹之脂
山僧老且拙不忍加芟夷謂能驅風疾效等國手醫
村巫竊其柄禍福假神奇老婦過而拜童穉不敢窺
遂令少見者傳說多異詞我偶來樹下驗之殊支離
本實固先撥風俗究被滴恨手無斧柯斬伐斷其機
怪藤爾何物造物知不知

殘月

殷勤殘月照單牀恰勝飄零在異鄉官貴何嘗團骨

肉朋來重與論文章芙蓉塘外裁初服芋栗園中蓄
晚糧更喜鄰僧朝有約蒲團穩祝佛無量

雁來

一行秋雁自南征物性猶隨節序更徒事邦交賓主
禮誰伸外侮弟兄情電流不待傳書帛輪轉空煩作
櫓聲擬向天邊寫人字可憐譯語太縱橫

薄暮看山

亂山無數暮煙橫只賸斜陽一抹明鴉雀歸來翎已
倦危巢猶是盡情爭

庭桂爲蟲所蝕著花甚稀

松夢寮詩稿卷六

辛

夏來霖雨少施甘米漏重洋命不堪莫怪桂花蟲損
盡金銀氣早竭東南

近作

竹書堂外竹平安風日參差翠竹闌一月病來新筍
出喜聞添長十餘竿
藥爐煙篆散塵埃堆架叢殘眼倦開一月病中消百
慮良朋新寄異書來

霎時作

異書光溢絳雲樓中有紅蟬隱卷頭三食竟遺忠孝
字不成脉望等蜉蝣

文章經濟與韜鈴三事居然一力兼既慕神仙又愁
蛻終成敗草委霜嚴

感事

無端萬粒漏重洋內地如何不缺糧下戶愁顏疑餓
鬼高衙隔膜病奸商護持自有噓虹蜃飛蝕尤多蔽
日蝗聞道天閭施薄罰又嗥猛虎爲貪狼

濟變鄰邦半發棠饑民賑糶亂民戕令如春煦心原
善補未秋登手太忙六月出師嗟遠道千金買藥味
良方調停補救終嫌晚太息陳陳報滿倉

書修甫姪感事詩後

松夢齋詩稿卷六

三

獨秀題詩汝甫生歲華五十又紛更屢毫憤墨重拈
出韻是全平心不平

已極貧時動富懷偏於弱水築強臺本根不揣先齊
未便是艱難宏濟才

栗糕旗

蝟房繭實屑瓊糕不待題詩興自豪豈使民生知戰
栗高牙大纛耀層霄

黃栗糕侔赤棗糕重陽低插綵旗飄少年魁選他年
兆待看兒童奪錦標

秋圃收栗獲山資雅興題糕讓妙辭節物青紅輝滿

眼笑余已近掩旗時

重九節祀宋施將軍

一盂湯餅祝生朝
寒具加籩脩栗糕
證取立時來
斲檜送迎神
定樂陶陶

中城興福衆安橋
近社遑辭拜跪勞
擬叩盈城祀公處
勝他吳岫約登高

有誰忠義報公朝
利祿營私盡彼曹
才不如秦罪如檜
祈抽斬馬各施刀

艮生弟五十生辰爲其禮懺感賦

弟自辛酉十二月三日陷賊中
尋求路絕至

松夢齋詩稿卷六

三

今三十七年存亡莫決余亦老矣

此實余之過無能救爾
危閱年三十七望眼絕歸期
嬌骨空收葬妹魂
尤足悲脫逃雖有弟
早死問諸誰
三姪殤其一
諸孫未有期
今朝逢誕日
天命泣虛知
聊藉迦文力
超回劫運思
對燈灑清淚
白映鬢絲絲
以辣醬問春岫
病承報佳章
卻寄

食在得其醬
非關佐酒杯
憑他性薑桂
用汝替鹽梅
微物情深結
新詩味美回
歲寒撫松柏
珍重雪霜摧
十二月十九坡公生日
康侯以公象屬題

三光日月炳萬古
江河東元氣不消滅
有宋蘇長公

春和發大文歲寒表直節磨竭入命宮香煎愈芳烈
公心見乎貌公貌何儼然至今八百載真本猶留傳
受謗偶遭逢聞風必興起前有昌黎韓後有穆堂李

燈圓曲 己亥

天上新喜明月圓人間新試明燈懸燈月雙輝欣欣
觀節物更博家家歡年頭糕糯篩未完磨齒碾粉雪
一般井華初汲寒泉涓竈安翠釜松明然蟹眼魚眼
生急湍騰騰氣暖湯水寬柔柔膩粉十指搏搓搓脫
手如彈丸千顆百顆泡瓊淵小珠大珠浮玉盤纍纍
奚俟九曲穿温温笑解雙眉攢燈前燈後兒女喧甘

松夢齋詩稿卷六

三

甜味殊醜酸果然高映月團團不爾濃滴露溥溥
上燈團子東京傳應時更有賣市厘青錢酬價腰解
纏口香口采非一端天官地官與水官平安禱仗神
靈權解元會元更狀元科名聯結文字緣花燈燭燄
春風暄魚龍曼衍集鳳鸞好待落燈月漸彎年糕高
祝常團樂與且圓人間穠蔭肥登熟登且雙賦祝

無題

修到真僊猶有劫參來古佛豈無魔何如周易虞書
裏老守紅蟬故紙窠
天道十年而一變况經十二萬年多何如悟徹蜉蝣

性暮死朝生一剎那

三月初一日病危口占

六十八年有此身時和歲稔亦艱辛分應獨善心兼
善家守清貧書不貧是以真誠對知已從無仰面一
求人何如早返初來路願被罡風化作塵

松夢寮詩稿卷六終

松夢寮詩稿卷六

善

乘人向城早發時來望亂煙罡風出卦壘

善矣守靜貧書不貧是以真誠對知已從無仰面一
六十八年有此身時和歲稔亦艱辛分應獨善心兼

三月初一日病危口占

掛暮天博士一條派

右松夢寮詩稿六卷府君所手著也府君少喜吟詠
學詩於諤卿叔祖先世故多藏書乃發歷朝名人詩
集讀之盡得祕奧而尤好樊榭山房集初嘗確守其
家法時與諸名流角藝詩壇幾於日課一詩焉咸豐
己未趙雁湄祖姑丈爲府君選定初集凡古今體詩
四百餘首并手錄數首以示獎勵未幾燬於粵寇之
變及同治壬戌春府君旣出險自紹而甬旅居之暇
從記憶中默寫若干首卽今所存前兩卷是也越歲
歸杭襄辦善後振撫諸事宜經理善堂者三十餘年
自是詩不多作亦隨手棄去不復留稿今年春三

松夢寮詩稿跋

月府君捐館舍痛定之餘謹從敝篋中檢舊稿續編
爲四卷則壬戌以後所作也嗚呼府君之詩劫前燬
於兵燹僅存什一於千百劫後雖不多作立中於隨
侍之餘私自著錄亦不下三千首府君生平之勤於
詩如此府君居恆訓立中曰吾非長於詩者甲子以
後更無暇致力於此不過藉此以抒寫性情耳其中
紀事之作或錄之以示後人餘皆不足存也今就府
君所指示并前所默寫者彙錄而付之梓以俟當代
名公論定焉光緒二十五年秋九月不孝立中謹識

右松夢寮詩稿六卷府君所手著也府君少喜吟詠
學詩於諤卿叔祖先世故多藏書乃發歷朝名人詩
集讀之盡得祕奧而尤好樊榭山房集初嘗確守其
家法時與諸名流角藝詩壇幾於日課一詩焉咸豐
己未趙雁湄祖姑丈爲府君選定初集凡古今體詩
四百餘首并手錄數首以示獎勵未幾燬於粵寇之
變及同治壬戌春府君旣出險自紹而甬旅居之暇
從記憶中默寫若干首卽今所存前兩卷是也越歲
歸杭襄辦善後振撫諸事宜經理善堂者三十餘年
自是詩不多作亦隨手棄去不復留稿今年春三

松夢寮詩稿跋

月府君捐館舍痛定之餘謹從敝篋中檢舊稿續編
爲四卷則壬戌以後所作也嗚呼府君之詩劫前燬
於兵燹僅存什一於千百劫後雖不多作立中於隨
侍之餘私自著錄亦不下三千首府君生平之勤於
詩如此府君居恆訓立中曰吾非長於詩者甲子以
後更無暇致力於此不過藉此以抒寫性情耳其中
紀事之作或錄之以示後人餘皆不足存也今就府
君所指示并前所默寫者彙錄而付之梓以俟當代
名公論定焉光緒二十五年秋九月不孝立中謹識



杭州翰墨林书店
册教 4 售价 ~~4.00~~